



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Leges Ecclesiasticae Aethelredi Regis Circa Annv MXII. apud Habam conditae, quarum quatuor partes habentur in Iornalensi manuscripto. Tres priores nihil conferunt in rem ecclesiae, quartae vero sunt ...

urn:nbn:de:hbz:466:1-15625

Synodus, in qua sedatae sunt controværia illæ inter episcopos, de quibus Ditmarus Merseburgensis episcopus, qui eidem Synodo præsens interfuit, hæc scribit: *Post hac Synodus hic fuit magna, in qua Gebehardus Ratisponensis ecclesiæ presul ab archiepiscopo suimet arguitur, & Metensis ecclesiæ presul Theodoricus a rege increpatur, eo quod epistola suimet hunc iniuste apud papam accusaret. Hæc omnia & multa alia consilio prudenti finita sunt, & restitutio parochia tunc promissa est mihi.*

Idem Ditmarus fatetur se pro recuperandis suæ parochia bonis Synodo huic libellum dedit, atque Theodorico Metensi episcopo ab omnibus in Synodo præsentibus interdictum esse, ut ante purgationem Missam non caneret. Vide Baronium anno 1011. num. 1.

LEGES ECCLESIASTICÆ

CIRCA
ANNVM
CHRISTI
1011.

ÆTHELREDI REGIS CIRCA ANNVM MXII.
apud Habam conditæ, quarum quatuor partes habentur in Iornalensi manuscripto. Tres priores nihil conferunt in rem ecclesiæ, quartæ vero sunt hæc capitula.

TITVL CAPITVLORVM.

- | | |
|---|--|
| I. <i>De denario sanctæ ecclesiæ dando, & de decimatione thaynorum.</i> | IV. <i>De consuetudinibus sanctæ Dei ecclesiæ reddendis.</i> |
| II. <i>De ieiunio & feriatione trium dierum ante festum sancti Michaelis.</i> | V. <i>Nec quis vendatur extra patrum.</i> |
| III. <i>Quid regi & populo omni die sit cantandum.</i> | VI. <i>De roboria.</i> |
| | VII. <i>De eleemosynis & rectitudinibus ecclesia.</i> |

HÆC INSTITVERVNT REX ÆTHELREDVS
& sapientes eius apud Habam.

CAPITVLA.

I.

IN primis, vt vnum Deus super omnia diligatur & honoretur, & vt omnes regi suo pareant, sicut antecessores sui melius fecerunt, & cum eo pariter defendant regnum suum. Et constituerunt in primis Dei misericordiam & auxilium inuocare ieiuniis, eleemosynis, confessione & abstinentia, & malefactis & iniustitia abstinere. Et vt detur de omni carruca denarius, vel denarium valens, & omnis qui familiam habet, efficiat vt omnis hirmannus suis det vnum denarium. Quod si non habeat, det domi-

^{* forte, de-} cimer nus eius pro eo. Et omnis thaynus * detenet totum quod habet.

II.

Et instituimus vt omnis Christianus, qui ætatem habet, iejunet tribus diebus, iejunet in pane & aqua, & * bis crudis, ante festum sancti Michaelis. Et omnis homo ad confessionem vadat & nudis pedibus ad ecclesiam, & peccatis omnibus abrenuntiet emendando & cessando. Et eat omnis presbyter cum populo suo ad processionem tribus diebus nudis pedibus, & super hoc cantet omnis presbyter triginta Missas, & omnis diaconus & clericus triginta psalmos, & apparetur tribus diebus corodium vniuersitatis sine carne in cibo & potu, sicut idem comedere deberet, & diuidatur hoc totum pauperibus. Et sit omnis seruus liber ab opere illis tribus diebus quo melius iejuniare possit: operetur sibi metu quod vult. Hi sunt illi tres dies; dies Lunæ, dies Martis, & dies Mercurii proximi ante festum sancti Michaelis. Si quis iejunium suum infringat, seruus corio suo componat, reddat liber pauper triginta denarios, & regis thaynus centum viginti solidos, & diuidatur haec pecunia pauperibus. Et sciat omnis presbyter, & tungrauius, & decimales homines, vt haec elemosyna & iejunium proueniat, sicut in sanctis iurare poterunt.

III.

Et præcipimus vt in omni congregatione cantetur quotidie communiter pro rege & omni populo suo una Missa ad matutinalem Missam, quæ inscripta est, Contra Paganos, & ad singulas horas decantet totus conuentus extensis membris in terra psalmum *Domine quid multipli- psal. 3.* catifunt, & collectam Contra Paganos, & hoc fiat quamdiu necessitas ista nobis est in manibus. Et in omni cœnobio vel conuentu monachorum celebret omnis presbyter sigillatim triginta Missas pro rege & omni populo, & omnis monachus dicat triginta psalteria.

IV.

Et præcipimus vt omnis homo super dilectionem Dei & omnium sanctorum det cyrisceattum & rectam decimam suam, sicut in diebus antecessorum nostrorum fecit, quando melius fecit; hoc est sicut aratum peragabit, de-

cimam acram: & omnis consuetudo reddatur super amicitiam Dei ad matrem ecclesiam cui adiacet, & nemo auferat Deo quod ad Deum pertinet, & prædecessores nostri concesserunt.

V.

Et prohibemus ne quis extra patriam vendatur: si quis hoc præsumat, sit præter benedictionem Dei & omnium sanctorum, & præter omnem Christianitatem, nisi poeniteat & emendet, sicut episcopus suus edocebit.

VI.

Et prohibemus omnem roboriam omni homini. Et sit omnis homo iure publico dignus, pauper, & diues, & reddatur omnis roboria: si quis aliquam fecerit, emendet sicut prius & postea fecit. Et si quis præpositus eam fecerit, dupliciter emendet quod alii iudicaretur.

VII.

Et reddatur pecunia eleemosynæ hic ad festum sancti Michaelis, si alicubi retro sit per plenam vvitam; & omnibus annis deinceps reddantur Dei rectitudines in omnibus rebus quæ supra dictæ sunt, per amicitiam Dei & sanctorum omnium, ut Deus omnipotens misericordiam nobis faciat, & de hostibus triumphum nobis & pacem indulgeat, quæ sedulo deprecentur ut misericordiam eius consequamur hic, & in futuro requiem sine fine. Amen.

De officio iudicis.

Omnis index iustus misericordiam & iudicium liberet in omnibus, ut in primis per rectam scientiam dicat emendationem secundum culpam, & eam tum admensuret propter indulgentiam. Quædam culpæ reputantur a bonis iudicibus secundum rectum emendandæ: quædam per Dei misericordiam condonandæ: iudicia debent esse sine omni *Haderunga* quod non parcatur dimitti alicui, vel ego amico, vel inimico ius publicum rectori, & nihil iniustius est quam susceptio munerum pro iudicio subuertendo, quia munera excitant corda sapientum, & subuertunt verba iustorum. Dominus Iesus dixit: *In quo iudicio indicueritis iudicabimini.* Timeat omnis iudex ac diligit Iudicem suum, ne in die iudicii mutus fiat & humiliatus ante oculos Iudicis cuncta videntis. Qui innocentem opprimit,

&

Math. 7.

& dimittit noxium pro pecunia, vel amicitia, vel odio, vel quacumque factione, opprimetur ab omnipotenti Iudice. Et nullus dominus stultos aut improbos iudices constitutat, quia stultus per ignorantiam, improbus per cupiditatem vitat quam didicit veritatem. Grauius enim lacerantur pauperes a prauis iudicibus quam a cruentis hostibus. Nullus hostis acerbior, nulla pestis efficacior quam familiaris inimicus. Poteſt aliquotiens homo fuga vel defensione vitare prauos iudices, non ita poſſunt iudices quotiens aduersus subditos malis desideriis inflammantur. Sæpe etiam boni iudices habent malos vicarios, & ministros nefandos, quorum ipsi domini conſtrunguntur, ſi non eos coerceant, & a rapacitate cohibeant, quia Dominus & minister ſeculorum ait: *Non ſolum male agentes, Rom. 1.
ſed omnes conſentientes, digni ſunt æterna morte.* Sæpe etiam praui iudices iudicium peruerunt vel respectant, & non finiunt causam, donec voluntas eorum impleatur. Et quando iudicant, non opera ſed munera conſiderant impii iudices, iuxta verbum ſapientum: *Sicut rapaces lupi vespere nil ſoph. 3.
reſiduant usque mane:* id eſt, de praefenti ſolum vita cogitant, de futura nihil conſiderant. Malorum præpositorum moſ eſt, vt quidquid poſſunt auferant, & vix neceſſarium parum quid relinquant ſuſtentationum. Iracundus iudex non potheſt accedere rectam iudicij ſatisfactionem, nam per furoris excæcationem non perſpicit reſtitutio niſi claritatē. Iustum iudicium eſt, vbi non persona conſideratur. Scriptum eſt: *Non attendas personam hominis in iudicio,
nec pro aliquo facies ut a vero declines, & iniuste iudices.* Suscep-
tio muneris eſt dimiſſio veritatis.

VITA

BENEDICTI PAPÆ VIII.

BENEDICTVS natione Tusculanus, huius nominis o-
ctauus, creatus eſt pontifex anno Redemptoris no-
ſtri 1012. tempore Henrici regis. Aduersus hunc in ſchi-
ſmate contra ſacros Canones creatus eſt Gregorius, qui
potentia Romanorum fretus Benedictū ab Vrbe expulit.
Pontifex hanc iniuriam a ſchismatico illatam non ferens

Concil. Tom. 25.

Mm

Benedictus
quando pa-
pa factus.Schismati-
cum.